

## 沙彌律儀要略

- 一、梵語沙彌。此云息慈。謂息惡行慈。息世染而慈濟眾生也。亦云勤策。亦云求寂。
- 二、律儀者。十戒律。諸威儀也。
- 三、佛制出家者。五夏以前。專精戒律。五夏以後。方乃聽教參禪。
- 四、是故沙彌剃落。先受十戒。次則登壇受具。今名為沙彌。而本所受戒。愚者茫乎不知。狂者忽而不學。便擬躡等。罔意高遠。亦可慨矣。
- 五、因取十戒。略解數語。
- 六、使蒙學知所向方。
- 七、好心出家者。切意遵行。慎勿違犯。
- 八、然後近為比丘戒之階梯。遠為菩薩戒之根本。
- 九、因戒生定。因定發慧。庶幾成就聖道。不負出家之志矣。
- 十、若樂廣覽。自當閱律藏全書。
- 十一、後十戒。出沙彌十戒經。佛敕舍利弗。為羅睺羅說。
- 十二、一曰不殺生。
- 十三、解曰。
- 十四、上至諸佛聖人。師僧父母。
- 十五、下至蝸飛蠕動。微細昆蟲。
- 十六、但有命者。不得故殺。
- 十七、或自殺。

- 十八、 或教他殺。
- 十九、 或見殺隨喜。
- 二十、 廣如律中。文繁不錄。
- 二十一、 經載。冬月生虱。取放竹筒中。煖以綿絮。養以膩物。恐其饑凍而死也。
- 二十二、 乃至濾水覆燈。不畜貓狸等。皆慈悲之道也。微類尚然。大者可知矣。
- 二十三、 今人不能如是行慈。復加傷害可乎。
- 二十四、 故經云。施恩濟乏。使其得安。若見殺者。當起慈心。
- 二十五、 噫。可不戒歟。
- 二十六、 二曰不盜。
- 二十七、 解曰。金銀重物。以至一鍼一草。不得不與而取。
- 二十八、 若常住物。
- 二十九、 若信施物。
- 三十、 若僧眾物。
- 三十一、 若官物。
- 三十二、 民物。
- 三十三、 一切物。
- 三十四、 或奪取。
- 三十五、 或竊取。
- 三十六、 或詐取。
- 三十七、 乃至偷稅冒渡等。皆為偷盜。
- 三十八、 經載一沙彌。盜常住果七枚。一沙彌盜眾僧餅數

番。一沙彌盜眾僧石蜜少分。俱墮地獄。  
三十九、 故經云。寧就斷手。不取非財。  
四十、 噫。可不戒歟。

[淨空法師專集網站\(簡\)](#)製作